

153.

Markgraf Friedrich IV. ernennt den Johannes gen. Missenland zu seinem Herold und stellt ihm einen Geleitsbrief aus. Meißen, 1421 Aug. 7.

Hschr.: Gleichz. Abschr. Cop. 34 Bl. 123.

5 *Gedr.: Horn 848.*

Universis et singulis regibus, principibus, ducibus, marchionibus, lantgraviis, comitibus, nobilibus, baronibus, militibus, clientibus, civitatum, castrorum et districtuum presidibus, ancianis, potestatibus, gubernatoribus, iudicibus et rectoribus, consiliis ac communitatibus viarumque et passuum custodibus, theolonariis, tributariis, 10 boletariis et quibuslibet officialibus ac cujusquam status, gradus, preeminencie et condicionis, amicis et benivolis nostris, ad quos presentes pervenerint, Fridericus dei gracia senior Thuringie lantgravius marchio Misnensis et comes Saxonie palatinus servitorum promptitudinem et omnis boni votivum incrementum. Considerantes virtutum insignia ac sagacitatis industriam Johannis dicti Missenland, eraldi nostri, quem 15 in agnitione rerum et actuum militarium adeo laudabiliter expertum reperimus, ut ipse, quos in hujusmodi actibus audaces, strennuos et pro communi iusticia viriliter stantes agnoverit, dignis laudibus nititur fervencius commendare, quos autem vilibus, pravis et inhonestis operationibus innodatos seu obfuscatos certitudinaliter experitur, eosdem juxta demeritorum suorum exigenciam decentibus accusacionibus et impro- 20 peris non fornicat corrigere et oportunis modis intendere, ut eosdem ad probitatis et virtutum merita convertere valeat et mutare, seque eciam in discrecione et agnitione *diversorum^{a)} armorum et signorum tanta semet ipsum diligencia exercet, ut condigne consignet et appropriet, que arma qualiaque clenodia unicuique convenient et competant condecenter: harum itaque et aliarum virtutum ipsius Johannis intuitu 25 eundem in eraldum creavimus, instituimus et prefecimus, ymmo creamus, instituimus et preficimus presencium per vigorem dantes et concedentes sibi plenam facultatem in premissis et aliis actibus ac negociis hujusmodi officii eraldorum procedendi illudque legaliter more solito ubilibet exercendi, rogantes itaque et attente exhortantes vos et quemlibet vestrum, quatenus prefatum Johannem Missenland, eraldum nostrum, 30 dum ipsum ad vos venire contigerit, recommendatum habendo et piis favoribus tractando ipsum simul cum familiis, equis et rebus suis singulis per regna, ducatus, marchionatus, principatus, terras, dominia et quevis jurisdictionis vestre loca velitis et sinatis absque theolonii, gabelle, tributis, daciis, pedaggiis, pontenagii et cujuslibet alterius solucionis onere in eundo, morando, stando et redeundo tute et libere proficisci sibi- 35 que, dum opus fuerit, nostri respectu de salvo conductu liberalius provisuri. Et hec nostris fidelibus subditis firmiter precepimus observanda. Datum in castro nostro Missen ipso die sancti Donati martiris anno domini mcccc vicesimo primo nostro sub sigillo presentibus appenso in fidem premissorum.